



2020-4

6. august 2020

All. nr./notatnr.:

2020-702-0001-7

Sull./sagsbeh.: KJ/jh

Naalakkersuisoqarfiup allagaatinik paasitinneqarumanermik itigartitsinera Ombudsmandip isornartorsiorsinnaangilaa

Taamani Aningaasaqarnermut Naalakkersuisoqarfiusup suliassaqarfiata i-luani allagaatinik paasitinneqarumalluni qinnutigisanik Naalakkersuisoqarfiup 1. januar 2017-ip kingornatigut tigusimasaanik taakkununngalu a-kissutinik paasitinneqarnissani innuttaasup 12. juli 2018-imi qinnutigaa. Allagaatinik paasisaqarneq ilisimatusarnermi siunertamut atorneqartussaasimavoq.

Innuttaasup allagaatinik paasitinneqarumalluni qinnutigisaa Aningaasaqarnermut Naalakkersuisoqarfiup itigartippaa. Naalakkersuisoqarfiup itigartitsinermut tunngavilersuutitut oqaatigaa paasitinneqarsinnaatitaaneq pillugu inatsimmi § 4, imm. 3-mi suussusiliisimanissamik piunasaqaat eqqortinneqarsimangitsoq.

Allagaatinik paasitinneqarumalluni qinnutigisami allagaatit suliarluunniit pineqartup paasitinneqarfigiumasai suunersut oqaatigineqarsimassasut suussusiliisimanissamik piunasaqaatip nassataraa.

Naalakkersuisoqarfiup itigartitsinermi innuttaasoq, suussusiliisimanissamik piunasaqaat eqqortinneqarsimangikkaluartoq, paasitinneqarsinnaatitaaneq pillugu inatsimmi § 4, imm. 1-imi oqaaseqatigiit aappaanni annertusisamik paasissutissiisarnermik tunngavik aallaavigalugu paasissutissiinarneqarsinnaannginnersoq tamatuma saniatigut isumaliutersuutigisima-

vaa. Naalakkersuisoqarfilli isumaqarsimavoq taamaaliortoqarsinnaangitsoq.

Allagaatinik paasitinneqarumanermik itigartitsineq innuttaasup Ombudsmandimut naammagittaalliuutigaa.

Naalakkersuisoqarfiup suussusiliisimanissamik piumasaqaatip eqqortinneqarsimanginneranik oqarnera Ombudsmandip isumaqatigaa. Ombudsmandip paasinninnera unaavoq innuttaasup qinnutigisaanik akuersaarinninnerup innuttaasoq Naalakkersuisoqarfiup suliassaqarfiani sulianik aalajangersimasunik tamanik misissuinissaminut periarfissaqalersissagaa. Paasitinneqarsinnaatitaaneq pillugu inatsit taamaaliornissamut pisinnaati-taaffiliinngilaq.

Ombudsmandi isumaqarpoq pissutsinik immikkut ittunik Naalakkersuisoqarfiup allagaatinik annertusisamik paasissutissiisarnermik tunngavik malillugu paasissutissiinarani aalajangerneranik Ombudsmandip isornartorsiuinissanut pissutissaqalersitsisunik piusoqanngitsoq.

Ombudsmandip aammattaaq oqaatigaa oqartussaasup annertusisamik paasissutissiisoqarnissaanik naliliinermi atillugu tusagassiorfiit sinniisaannut immikkut akuersaartuusariaqarnerani ilisimatusartut pineqartunut ilaatinneqanngitsut.

(Oqaaseqaat 6. august 2020-meersoq, j.nr. 2020-702-0001)

Ombudsmandip oqaseqaataa

1. Suut misissorpakka?

1.1. A Naalakkersuisoqarfimmut 12. juli 2018-imi allappoq Naalakkersuisoqarfiullu taamani suliassaqarfiata iluani 1. januar 2017-ip kingornatigut suliame allagaatinik paasitinneqarumalluni qinnutigisani Naalakkersuisoqarfiup tigusimasai taakkunungalu akissuteqaatit pillugit paasitinneqarnissani

qinnuteqaatigalugu. A-p qinnutigisanik sulii aalajangiivigineqanngitsunik suliarinnittoqarpat taakkuninnga paasitinneqarnissani taamatuttaaq qinnuteqaatigaa.

Naalackersuisoqarfiup A 19. juli 2018-imi allaffigaa Naalackersuisoqarfiup paasinninnera unaasoq allagaatinik paasitinneqarumalluni qinnutigisaa paasitinneqarsinnaatitaaneq pillugu inatsimmi § 4, imm. 3-mi suussusiliisimannissamik piumasqaammik eqqortitsinngitsoq.

Naalackersuisoqarfiup A tamanna tunngavigalugu qinnuigaa allagaatinik paasitinneqarumalluni qinnutigisani erseqqissaqqullugu, soorlu allagaatinik paasitinneqarumalluni qinnutigisaaq aalajangersimasooq imaluunniit allagaatinik paasitinneqarumalluni qinnutigisat pissutsinut, suliaasaqarfinnut, qulequttanut il.il. aalajangersimasunut tunngasut pillugit paasitinneqarumalluni qinnuteqarnermigut.

A-p allagaatinik paasitinneqarumalluni qinnutigisani tamatuma kingornatigut e-mailikkut 27. juli 2018-imeersukkut itisilerpaa, taamalu "suliami allagaatinik paasitinneqarumalluni 1. januar 2017-ip kingornatigut qinnutigisat pillugit Aningaasaqarnermut Naalackersuisoqarfimmi aalajangiiffigineqarsimasunik tamanik aqutsisoqarfiup paasissutissanik suliarinneriaasiani F2-mi oqaatsit "aktindsigt" imaluunniit "aktindsigtsanmodning" (periaatsilluunniit tassunga assingusut) atorlugit ujarneqarsinnaasunik" paasitinneqarnissani qinnutigalugu.

A-p allagaatinik paasitinneqarumalluni qinnuteqaataa itigartinneqartoq Naalackersuisoqarfiup 20. august 2018-imi nalunaarfigaa, qinnuteqaataa paasitinneqarsinnaatitaaneq pillugu inatsimmi § 4, imm. 3-mi suussusiliisimannissamik piumasqaammik eqqortitsinngitsoq Naalackersuisoqarfiup naliliisimannera innersuussutigalugu. Naalackersuisoqarfiup aalajangiineranit tamatuma saniatigut erserpoq A-p qinnuteqaataa paasitinneqarsinnaatitaaneq pillugu inatsimmi § 4, imm. 1-imi oqaaseqatigiit aappaanni annertusisamik paasissutissiisarnermik tunngavik malillugu akuersaarneqarsinnaanersoq Naalacker-

suisoqarfiup isumaliutersuutigisimagaa, tamatumunngalu tunngavissaqarani isumaqarsimasoq.

Naalackersuisoqarfiup aalajangiinera A-p uannut 17. oktober 2018-imi naam-magittaalliuutigaa.

Suliami allagaatit, Naalackersuisoqarfiup oqaaseqaatai A-llu suliami illua'tu-ngiusup isumaanik tusarniaanermut akissutaa suliamik suliarinninninnut ata-tillugu pissarsiaraakka.

1.2. Paasitinneqarsinnaatitaaneq pillugu inatsimmi § 4, imm. 3-mi suussusi-liisimanissamik piunasaqaatip naammassineqarsimannginneranik Naalak-kersuisoqarfiup naliliinera suliamik suliarinninninni isummerfigaara.

Paasitinneqarsinnaatitaaneq pillugu inatsimmi § 4, imm. 1-imi oqaaseqatigiit aappaanni annertusisamik paasissutissiisarnermik tunngavimmut ilaatillugu allagaatinik paasitinneqarnissamik Naalackersuisoqarfiup A-mik itigartitsine-ra aammattaaq isummerfigaara.

Ajornartorsiutinik matumani pineqartut assinginik siusinnerusukkut nammi-neq sammisaqarsimanngikkaangama Danmarkimi atuakkiaasut Folketingillu Ombudsmandiata periaasia oqaaseqaatinni arlalitsigut aallaavigisarpakka, tassami Kalaallit Nunaanni inatsiseqartitsinikkut tunngaviup Danmarkimi i-natsiseqartitsinikkut tunngavik pingaarnerusutigut assigimmagu. Kalaallit Nunaanni inatsiseqartitsinikkut tunngavik Danmarkimi inatsiseqartitsinikkut tunngavimmit allaasoq isumaqaraangama tamanna oqaatigisarpara.

2. Inatsiseqartitsinikkut tunngavigisaq

2.1. Suussusiliisarneq annertusisamillu paasissutissiisarneq

Paasitinneqarsinnaatitaaneq pillugu inatsimmi § 4 annertusisamik paasissu-tissiisarneq (§ 4, imm. 1, oqaaseqatigiit aappat) aamma suussusiliisimanis-

saq (§ 4, imm. 3) pillugit malittarisassanik ilaatigut imaqarpoq. § 4, imm. 1, aamma imm. 3 imaattunik oqaasertaqarput:

”§ 4. §§ 7-14-imi ilaatinneqanngitsutut taaneqarsimasut saniatigut allakkianik ingerlatsinermut oqartussaasumi allaffikkoortumik suliassamik ingerlatsinermut atatillugu apuussimallutilluunniit suliarineqarsimasunik paasitinneqarumalluni kinaluunniit piunasaqarsinnaavoq. Ingerlatsinermut oqartussaqaq annertunerusumik paasissutissiisinnaavoq nipangiussisimasussaataaneq il.il. pillugit malittarisassat allanik aalajangersaasimangippata.

[...]

Imm. 3. Imm. 1 aamma 2 tunngavigalugit qinnuteqaatini allakkiat suliassarluunniit pineqartup paasiumallugu kissaatigisaa oqaatigineqarsimassapput.”

Paasitinneqarsinnaatitaaneq pillugu inatsimmi § 4, imm. 3-mi takuneqarsinnaavoq paasitinneqarumalluni qinnutigisami allakkiat sulialluunniit pineqartup paasiumallugit kissaatigisai oqaatigineqarsimassasut (suussusiliisimanissamik piunasaqaat). Qinnutigisarli suussusiliisimanissamik piunasaqaamik tamatuminnga naammassinnissimangikkaluarpalluunniit oqartussaasut allagaatinik paasissutissiinissaannut akornutissaqaanngilaq (annertusisamik paasissutissiisarnermik tunngavik), oqartussaasut taamaaliornikkut paasissutissanik nipangiussisussaataaneq il.il. pillugit malittarisassanut ilaatinneqartunik tunniussinngippata. Tamanna paasitinneqarsinnaatitaaneq pillugu inatsimmi § 4, imm. 1-imi oqaaseqatigiit aappaasigut aalajangersarneqarpoq.

Taakkua saniatigut Folketingip Ombudsmandiata 2009-imi ukiumoortumik nalunaarutaani qupperneq 17 aamma Folketingip Ombudsmandiata 2005-imi ukiumoortumik nalunaarutaani qupperneq 598 innersuussutigaakka.

2.1.1. Paasitinneqarsinnaatitaaneq pillugu inatsimmi § 4, imm. 3-mi suussusiliisimanissamik piunasaqaat eqqarsaatigalugu ilaatigut uku inatsisissatut siunnersuut pillugu oqaaseqaatini oqaatigineqarput:

”Allagaatinik paasitinneqarumalluni qinnuteqartup oqartussaasumut susassaartumut saaffiginnissuteqannginnermini suliap allagaatilluunniip piuneranik ilisimasaqarnissaa aalajangersakkap malitsigaa. Imaangilarli allagaatinik paasitinneqa-

rumalluni qinnutigisaq suliap sumut attuumassuteqarnerata taaneqarsimanngin-
nera kisiat innersuussutigalugu oqartussaasup itigartissinnaagaa, oqartussaasup
suliaq allagaatilluunniit paasisaqarfigerusutat allatigut suussusersisinnaappagit.
(Ombudsmandeqarfimmi nutsigaavoq) [MALUGIUK – Inatsit pillugu oqaaseqaatit
kalaallisuuanni ilaangilaq, naak qallunaatuuani ilaagaluartoq.]

Suliaq allakkiilluunniit suussusiisa nalunaarsimanissaannik piunasaqarneq ilaati-
gut isumaqarpoq allaffeqarfimmi oqartussaasut journaliutaat misissuataarlugit su-
liassat allakkiartaannik paaserusussinnaasanik ujarlerumasoqarsinnaanngitsoq.

Aalajangersagaq aamma periarfissiinngilaq suliat aalajangersimasut tamaasa su-
lialluunniit piffissami aalajangersimasumi journalinut ilanngussorneqarsimasut ta-
maasa misissuataarnissaannut.”

Ingerlatsinermi inatsiseqartitsineq pillugu atuakkiaasuni naatsorsuutigineqar-
tarpoq paasitneqarsinnaatitaaneq pillugu inatsimmi § 4, imm. 3-p suliap
pineqartup suussusilerneqarsimanissaannik piunasaqaatit kinaassusersiortoq
kinaassusersiortuunngitsorlu imarigai.

Kinaassusersiortumik piunasaqaat suliap allagaatilluunniit piunerata oqar-
tussaasumut pineqartumut saaffigininneq sioqqullugu ilisimaneqartariaqar-
neranik ilisarnaateqarpoq.

Kinaassusersiunngitsumik piunasaqaatip manna nassataraa, tassalu allagaa-
tinik paasitneqarumalluni qinnutigisaq paasissutissanik ilaatigut oqartus-
saasup nalunaarsueriaasia malillugu oqartussaasup suliamik allagaammil-
luunniit paasisaqarfigineqarusuttamik ujarlernerani atugassatut pisariaqartu-
nik imaqassasoq.

Paasitneqarsinnaatitaaneq pillugu inatsimmi § 4, imm. 3-mi aalajangersa-
gaq qinnuteqaatip ajornanngitsumik suussusersineqarsinnaanissaa pineqara-
luarpalluunniit allagaatinik paasitneqarumalluni qinnuteqaammik itigartitsi-
nissamut tunngavissiisoq taamatuttaaq naatsorsuutigineqarpoq, pissusiviu-
sut eqqarsaatigalugit sulianut aalajangersimasumik amerlassusiligaanngitsu-
nik paasitneqarsinnaatitaanermik ammaassinissamik siunertaqarpat.

Justitsministereqarfiup paasitinneqarsinnaatitaaneq pillugu inatsit pillugu ilitsersuusiaani 3. november 1986-imeersumi imm. 17, John Vogterip atuakiaani "Offentlighedsloven med kommentarer"-mi aappasaanik naqitertinneqartumi (1992-imeersumi) quppernerit 93 tullialu pingajussaanillu naqitertinneqartumi (1998-imeersumi) quppernerit 126 tulliiilu aamma Offentlighedskommissionip (Paasitinneqarsinnaatitaaneq pillugu Ataatsimiititaliarsuup) paasitinneqarsinnaatitaaneq pillugu inatsit pillugu isumaliutissiissutaani 1510/2009-mi quppernerit 383 tulliiilu aammattaaq innersuussutigaakkaa.

2.1.2. Annertusisamik paasissutissiisarnermik tunngavik paasitinneqarsinnaatitaaneq pillugu inatsimmi § 4, imm. 1-imi oqaaseqatigiit aappaasigut inatsimmi aalajangersarneqarpoq. Taamatut tunngaveqarnermut tunuliaqu-taasut eqqarsaatigalugit inatsisissatut siunnersuut pillugu oqaaseqaatini makku oqaatigineqarput:

"Paasitinneqarsinnaatitaaneq pillugu inatsimmi atuuttumi malittarisassat killiliingillat oqartussat namminneq naliliinermikkut paasissutissanik inatsimmi pisussaaffiliinermi annertunerusumik tunniussinissaminut, matumani allatut ilusiliiluni paasissutissiineq ilanngullugu. Apeqqut taanna ilaanni nalornisoortitsisarmat siunnersuutigineqarpoq "annertunerusumik paasissutissiisinaanermut" tunngasoq inatsimmi erseqqivissumik ilanngunneqassasoq. Paasissutissanilli taamaattunik tunniussinnaanep nipangiussisussaataaneq il.il. pillugit malittarisassanit killiliiffigineqarpoq."

Ingerlatsinermik inatsiseqartitsineq pillugu allaaserisani aalajangersimasumik naatsorsuutigineqartarpoq oqartussaasoq taamatut qinnuigineqaruni paasissutissat kissaatigineqartut tunniunneqarnissaannik tamatigut isumaliutersuuteqarnissaa annertusisamik paasissutissiisarnermik tunngaviup inatsisitigut aalajangersarneqarnerata malitsigigaa.

Annertusisamik paasissutissiisoqarnissaanik aalajangerneq missingiussilluni aalajangerneruvoq, tassanilu illua'tungeriit soqutigisaannik oqimaalutaasoqartussaalluni. Tusagassiortoq allagaatinik paasitinneqarumalluni qinnuteqarpat annertusisamik paasissutissiineq sapinngisamik annertunerpaamik a-

torniarneqartariaqarpoq. Taamaattumik sulianik aalajangersimasunik tamanik sulianilluunniit piffissami aalajangersimasumi nalunaarsorneqarsimasunik tamanik misissuinissamik qinnutigisaa akuersaarneqarajuttariaqarpoq, qinnutigisaa taamaattoq tusagassiorfinnit saqqummiunneqarpat. Paasitinneqarsinnaatitaaneq pillugu inatsisip allanngortinneqarnera pillugu isumaliutissiisummi 857/1978-imi quppernerit 129 tulliilu aamma paasitinneqarsinnaatitaaneq pillugu inatsit pillugu ilitsersuummi imm. 17 innersuussutigaa.

3. Naalackersuisoqarfiup paasinninnera

3.1. Naalackersuisoqarfiup aalajangiineranit 20. august 2018-imeersumit erserpoq Naalackersuisoqarfiup naliliinera unaasoq A-p allagaatinik paasitinneqarumalluni qinnutigisaa paasitinneqarsinnaatitaaneq pillugu inatsimmi § 4, imm. 3-mik eqqortitsisuunngitsoq, A-ammi allagaatinik paasitinneqarumalluni qinnutigisaa sulianut arlalissuarnut tunngasuummat, taamaattumillu suliat pisariaqarneratut suussusilerneqarsimanatik.

Aalajangiinermit aammattaaq erserpoq Naalackersuisoqarfiup manna pingaartillugu aamma isiginiarsimagaa, tassalu paasitinneqarsinnaatitaaneq pillugu inatsimmi § 4, imm. 3-kkut aalajangersarneqartoq suliat aalajangersimasumik suussuseqartut tamarmik imaluunniit suliat piffissami aalajangersimasumi nalunaarsorneqarsimasut tamarmik misissorneqarnissaannut periarfissaqanngitsoq.

Naalackersuisoqarfiup uannut oqaaseqaammini 9. december 2019-imeersumi ilaatigut oqaatigaa A-p allagaatinik paasitinneqarumalluni qinnutigisani piffissap ingerlanerani killilerlugu allanngortikkaluaraa tamatuma manna allanngortinngikkaa, tassalu suliat allagaatinik paasitinneqarumanermut tunngasut Naalackersuisoqarfiup piffissami taaneqartumi suliarisimasai tamaasa A-p misissorusukkai.

3.2. Naalackersuisoqarfiup aalajangiineranit tamatuma saniatigut erserpoq A paasitinneqarsinnaatitaaneq pillugu inatsimmi § 4, imm. 1-imi oqaaseqatigiit aappaanni annertusisamik paasissutissiisarnermik tunngavik malillugu paa-

sitinneqarsinnaannginnersoq Naalackersuisoqarfiup isumaliutersuutigisimagaa.

Naalackersuisoqarfik tamatumunnga atatillugu illua'tungaani isiginiagassat paasitinneqarsinnaatitaaneq pillugu inatsimmi § 4, imm. 3-mi aalajangersakkamut tunngaviusut illua'tunganilu A-p allagaatinik paasitinneqarumalluni qinnutigisaata akuerineqarnissaanik soqutigisarisaq eqqarsaatigalugit oqimaalutaasimavoq.

Naalackersuisoqarfiup oqimaalutaasimaneranit erserpoq Naalackersuisoqarfiup manna immikkut pingaartillugu isiginiarsimagaa, tassalu Naalackersuisoqarfiup nalunaarsueriaasiani nalunaarsuinermit immikkut normumik suliani allagaatinik paasissutissiinerit tamarmik nalunaarsorneqarfiannik imaluunniit takussutissiamik suliat tassunga atasumik normullit takuneqarsinnaaffiannik peqanngitsoq. Taamaalilluni sulianik A-p paasisaqarfigerusutaanik suussuuliinermit toqqorsivik tamakkivillugu ujarlerfigineqartariaqassaaq, taamaalior-toqassappallu sulianik pineqartunik ujarlerneq misissuinerlu atugassiissutinik annertuunik atuiffiusariaqartussaassalluni.

Naalackersuisoqarfiup aalajangiineranit aammattaaq erserpoq paasissutissat A-p piumasai pissarsiariniarlugit A-p toqqorsivimmi nammineq ujarlertinneqarnissaanut periarfissaqarnersoq Naalackersuisoqarfiup isumaliutersuutigisimagaa. Taamaalilluni A Naalackersuisoqarfiup suliaataanik tamanik, matumani suliat isertuussassat aamma suliat inuit ataasiakkaat pillugit paasissutissanik illersuineq pillugu malittarisassani kiisalu nipangiussisussaataaneq il.il. pillugit malittarisassani pineqartunut ilaatinneqartut ilanngullugit eqqarsaatigalugit, misissuinissaanut periarfissaqalersimassagaluarpog.

Naalackersuisoqarfik tamanna tunngavigalugu isumaqarsimavoq A-p allagaatinik paasitinneqarumalluni qinnutigisaata annertusisamik paasissutissiisarnermik tunngavik malillugu akuerineqarnissaanut tunngavissaqanngitsoq.

Naalackersuisoqarfiup uannut ilassutaasumik oqaaseqaammini 18. marts 2020-meersumi oqaatigaa Naalackersuisoqarfik isumaqartoq oqartussaasut

tusagassiortunut immikkut akuersaartussaanerisa ilisimatusartunut atuutiler-sillugu annertusineqarnissaannut tunngavissaqanngitsoq.

4. A-p paasinninnera

A uannut naammagittaalliummini ilaatigut allappoq paasitinneqarsinnaati-taaneq pillugu inatsimmi § 4, imm. 3 taamaallaat oqartussaasut atugassiis-sutinik atuinerisa isiginiarneqarnerannik tunngaveqartoq, aalajangersagarlu taanna allagaatinik paasitinneqarumalluni ataatsimut qinnutigisanik atugas-siissutinut tunngasunik isiginninnermit allaasut tunngaviginagit killilersuinis-samut atorineqarsinnaanngitsoq.

A aammattaaq allappoq qinnutigisani Naalakkersuisoqarfiup – nalunaarsue-riaatsimik ujarleriaatsimillu ingerlalluakannersumik peqaruni – atugassiissu-tinik naleqqutinngitsumik annertussuseqartunik atuinngikkaluarluni akisin-naasariaqaraa.

A-p uannut naammagittaalliummini taamatuttaa qqaatigaa allagaatinik paasitinneqarumalluni qinnutigisani ilisimatusartutut misissuinissamik siu-nertaqartut, ilisimatusartutullu paasissutissanik pineqartunik immikkut soqu-tigisaqartuulluni, taamaattumillu Naalakkersuisoqarfik allagaatinik paasitin-neqarumalluni qinnutigisami akineqarnissaanut atugassiissutinik amerlaneru-sunik immikkoortitsisariaqartoq.

Naalakkersuisoqarfiup uannut oqaaseqaataa 9. december 2019-imeersoq pil-lugu oqaaseqaammuni A-p aammattaaq ilaatigut oqaatigaa Naalakkersuiso-qarfiup oqaaseqaataa imatut paasigini Naalakkersuisoqarfiup allagaatinik paasitinneqarumalluni § 4, imm. 3 tunngavigalugu qinnutigisat ingerlaan-nartumik itigartitsissutigisarai, suliarpassuarnik aalajangersimasumik amer-lassusiligaanngitsunik paasitinneqarumalluni qinnutigisat pineqaraangata.

Aammattaaq imatut paasivara A isumaqartoq oqartussaasut annertusisamik paasissutissiisoqassanersoq naliliigaangata ilisimatusartut tusagassiortunut naligitinneqartassasut.

5. Uanga naliliinera

5.1 Allagaatinik paasitinneqarumalluni qinnutigisaq suliap allagaatilluunniit paasisaqarfigerusutat suunerisa taaneqarnerannik imaqassaaq, tak. paasitinneqarsinnaatitaaneq pillugu inatsimmi § 4, imm. 3.

Tassa ilaatigut imaappoq sulianik aalajangersimasunik Naalackersuisoqarfiup pigisaanik tamanik paasitinneqarnissaq piumasarineqarsinnaanngitsoq, tak. qulaani imm. 2.1.1-imi taaneqartut.

Suliat allagaatilluunniit A-p allagaatinik paasitinneqarumalluni qinnutigisaani pineqartut Naalackersuisoqarfimmi piunerannik A ilisimasaqareersimasoq A-p allagaatinik paasitinneqarumalluni qinnuteqaataata oqaasertalerneqarnerani takuneqarsinnaanngilaq.

Taamaalilluni uanga paasinninnera unaavoq A-p qinnutigisaanik akuerinninnerup mannarpiaq nassatarissagaa, tassalu A sulianik aalajangersimasumik pissusilinnik Naalackersuisoqarfiup pigisaanik tamanik misissuinissaminut periarfissaqalissasoq.

A-p suliami allagaatinik paasitinneqarumalluni qinnutigisaa paasitinneqarsinnaatitaaneq pillugu inatsimmi § 4, imm. 3-mi suussusiliisimanissamik piumasaqaammik eqqortitsisuunngitsoq Naalackersuisoqarfiup naliliinerata tamanna tunngavigalugu oqaaseqaateqarnissannut pissutissaqalersinngilaanga.

5.2 Annertusisamik paasissutissiissoqassasoq aalajangerneq missingiussilluni aalajangerneruvoq, tassanilu illua'tungeriit soqutigisaannik oqimaalutaasooqartussaavoq.

Missingiussilluni aalajangerneq pineqaraangat oqartussaasup tamatumingga naliliineranik sukumiinerusumik misiliiviginninnissaq tunuarsimaarfigigajuppara. Isiginiagassat oqartussaasup pingaartillugit isiginiarsimasai suliamut attuumassuteqartuunersut inatsisinillu unioqqutitsisuunnginnersut misissor-

tarpara. Pissutsit immikkut ittut aatsaat pineqaraangata oqartussaasup naliineranik isornartorsiuisarpunga.

“Ombudsmandsloven med kommentarer”-mi 2013-imeersumi quppernerit 264 tullialu aamma Niels Fengerip atuakkiaani “Forvaltningsret”-imi 2018-imeersumi quppernerit 1004 tullialu innersuussutigaakka.

Naalackersuisoqarfiup aalajangiineranik erserpoq Naalackersuisoqarfik illua’tungaani isiginiagassat paasitinneqarsinnaatitaaneq pillugu inatsimmi § 4, imm. 3-mut tunngaviusut illua’tungaani A-p allagaatinik paasitinneqarumalluni qinnutigisami akuerineqarnissaanik pissutissaqartumik soqutigisagarnera eqqarsaatigalugit oqimaalutaasimasoq.

Imm. 4-mi oqaatigineqartutut imatut paasivara A isumaqartoq oqartussaasooq annertusisamik paasissutissiisoqassanersoq naliliigaangat ilisimatusartut tusagassiortunut naligitinneqartassasut.

Oqartussaasooq annertusisamik paasissutissiisoqassanersoq naliliinermut atatillugu tusagassiortunut annertuumik akuersaartariaqarpoq. Qulaani imm. 2.1.2 innersuussutigaara.

Imm. 3.2-mi oqaatigineqartutut Naalackersuisoqarfiup uannut ilassutaasumik oqaaseqaammuni oqaatigaa Naalackersuisoqarfik isumaqartoq oqartussaasut tusagassiortunut immikkut akuersaartussaanerisa ilisimatusartunut atuutilersillugu annertusineqarnissaannut tunngavissaqanngitsoq.

Naalackersuisoqarfik tamatumani isumaqatigaara.

Suliamik misissuininni aammattaaq isumaqarpunga pissutsinik paasitinneqarsinnaatitaaneq pillugu inatsimmi § 4, imm. 1-imi oqaaseqatigiit aappaat tunngavigalugit annertusisamik paasissutissiinermut ilaatillugu A suliami allagaatinik paasitinneqarsinnaanngitsoq Naalackersuisoqarfiup aalajangiineranik isornartorsiuinissannut tunngavissaliisunik piusoqanngitsoq.

Suliami matuma kingornatigut annertunerusumik iliuuseqaqqissanngilanga.

Allakkat ukua assilinerat Naalakkersuisoqarfimmut nassiuppara.